

JAMES, CHARLES HERBERT (1817 - 1890), aelod seneddol dros Ferthyr 1880-8

Enw: Charles Herbert James
Dyddiad geni: 1817
Dyddiad marw: 1890
Priod: Sarah James (née Thomas)
Rhiant: William James
Rhyw: Gwryw
Galwedigaeth: aelod seneddol
Maes gweithgaredd: Gwleidyddiaeth a Mudiadau Gwleidyddol
Awdur: Walter Thomas Morgan

mab ieuaf William James, bragwr, Merthyr Tydfil, a oedd yn frawd i [Christopher James](#) (gweler [James, W. Milbourne](#)); ganwyd ym Merthyr 16 Mehefin 1817. Addysgwyd ef yn ysgol [Taliesin Williams](#) ym Merthyr ac yn ysgol breswyl Goulstone ym Mryste. Pan ymadawodd â'r ysgol aeth i'w hyfforddi yn gyfreithiwr at William Perkins, a daeth wedyn yn bartner iddo; derbyniwyd ef yn gyfreithiwr yn 1838. Priododd Sarah, merch Thomas Thomas, sylfaenydd cwmni sebon Christopher Thomas, Bryste. Cymerodd ran amlwg ym mywyd dinesig Merthyr; bu'n gadeirydd y pwyllgor gwyddoniaeth a chelfyddyd ac yn gefnogydd brwd i lyfrgell y dref. Magwyd ef yn Wesle ond trodd at yr Undodwyr a bu yn llywydd y gymdeithasfa Undodaidd. Ef oedd un o brif noddwyr [Henry Richard](#) yn 1868, ac yn 1880 daeth yn gyd-aelod ag ef dros fwrdeisdref Merthyr. Ymneilltuodd yn 1888, ac etholwyd [D. A. Thomas, Arglwydd Rhondda](#), yn ei le. Bu farw ym Merthyr 3 Hydref 1890.

Yn 1892 cyhoeddwyd tair gyfrol o'i eiddo, *Seven Lectures on Various Subjects, Letters ... giving a Description of the House of Commons*, a *What I remember about myself and Old Merthyr*.

Awdur

Walter Thomas Morgan, (1912 - 1990)

Ffynonellau

South Wales Daily News, 4 Hydref 1890

What I remember about myself and Old Merthyr (1892)

Charles Wilkins, *The history of Merthyr Tydfil* (Merthyr Tydfil 1867), 451-2

Darllen Pellach

Erthygl Wicipedia: [Charles James](#)

Dolenni Ychwanegol

Wikidata: [Q5079415](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

